

皇明經世文編

皇明經世文編卷之三百六十六

萃亭

陳子龍臥子 徐孚遠闇公

編輯

宋徵璧尚木 夏允彝瓊公

宋存標子建叅閱

葉綱齋集

策

葉春及

重師儒

尊崇教職

臣觀宋儒程顥之告其君矣曰治天下以正風俗得稱齋于穆廟初年以孝廉薦詔上書為通進司所賢才為本而本於學校師儒也則莫如今日文學博

皇明經世編

葉綱齋集

尊崇教職

平露堂

皆應 紹興 此是 千 綱 齊 亦 記 候 官

士森布天下豈不斌斌盛哉而其效未覩何故蓋古

仕至 稱承 而辛

之師也因乎下今之師也因乎上上下下之情乖古今

之效異也夫古之師曷嘗不本於上哉州黨鄉遂之

師即州黨鄉遂之老州黨鄉遂之老即德行道藝之

人上之所命而教即下之所服而從者也今也不然

不論德行不問道藝卒然而命之持牒而來據座而

坐青衿之子肩參差乎其庭足趨趨乎其前貌相承

而實相謾至於戴高位握大柄者乃始盤辟俯僂外

相邀而內相拒夫人而不服其心則不能一日安處

綱齊 觀子 罍筆 亦有神似 處當時 自負 殊不小也

而爲之長。而猶能使相承相邀者。徒以上之令耳。豈其心哉。豪傑之士。於是舍去。別求所謂德行道藝者。而師之。徘徊於山林之中。棲遲於佛老之宮。所托甚高。而所服甚固。回視黷序若浼已也。夫以天子之權。而立法不能驅豪傑以入陶冶。而山林匹夫常主其事。豈所謂工哉。臣嘗讀莊周書。以爲天下好知。聞某所有賢者。則羸糧而趨之。內弃其親。而外去其主之事。若以陰詆吾夫子之徒者。蓋周道衰。學官廢。缺賢者在野。學士渙然無所歸依。各自擇師。是以足跡

接乎諸侯。車軌結乎千里。當其盛時。黨安於庠。術安於序。豈一日去也。周之言激矣。且其學已廢缺。而自擇師。固無足怪。今學技遍海內。師儒環都邑。不能使豪傑之士。帖然心服。而爲弟子。此何爲也。周禮曰。師以賢得民。儒以道得民。師儒之得民。即朝廷之得民。所謂兩以繫之者也。不能繫其心。則不能施其教。而欲賢才之得。風俗之正。不亦難乎。蓋今郡邑學吏昏聩之夫。儂少之輩。皆以乞得之。邀齷於尺幅之間。熾趨於拜伏之際。以自委之氣。而墜自立之心。以可量

之資而來可至之侮。高者促升散。卑者兢米鹽。如此而已。所謂督學亦不過高第精舉者。奉璽書乘傳行部。輿馬赫奕甚都也。檄下邑弟子。聚之都會。一試而罷。地方不能遍臨。學徒萬餘。不能一訊。未三年以遷報。又挈挈而行矣。夫是二者德行未必有也。道蕪未必有也。徒以命而師之。人亦承而邀之。自故事外。曾一問及否耶。冠冕佩玉。而後能教人揖讓。披甲擁盾。語人曰胡不揖也。胡不讓也。則彼有以相久而不服。然亦未有披甲擁盾而肯以揖讓爲言者。則其於故

事外不一之間亦何怪哉。臣愚以爲宜畧如程氏之言。妙簡群臣。所謂學明德尊者爲太學師。詔天下歲貢材識明達。可進於善者。乃遣其願受教者。舉人皆詣國子受業。其年而試。文行俱優。乃中。上者授郡學。若州學三百人以上。次州學。若縣學二百人以上。次縣學。不中。隨歷事選用。學皆一師。九歲而考。上者擢科道部屬。次國子屬。或郡佐。縣令。又次遞遞之。不才者督學。覺免不俟考。監司郡守無得責以送迎拜謁。苛禮隆貴之。使人以爲清秩不可必得。而後其職重。

督學之選。天下之大。僅十餘人。難矣。宜命京朝三品以上。延訪果有德行道藝。然後舉授。舉主任之。召見。勸諭。賜宴。使之風厲較官。興起教化。一以三物爲主。最者超晉京秩。平者序遷。亦以九歲。不才者禮部都察院撫按覺免。不俟考。舉主連坐。夫擇之精。又任之重。則益奮發。勉進德業。有以服乎弟子之心。天下弟子。亦知朝廷欲以深責之也。莫不洗濯磨淬。延頸舉踵。而聽服其教。較官地近。旣得朝夕提撕。導其善而救其失。督學位尊而久。又得月煨歲鍊。周知其善惡。

而進退之鼓舞振作。優游涵泳。庶幾哉賢才可得。而風俗可正矣。然而議者必以爲貢之嚴。用之慎。則老者無所於歸。吾知用賢。退不肖而已。庸恤其他。且人而欲循之。則舉天下盡官而後可。此勢之必無者也。田野小民。餘十斛麥。尚擇師而教子。奈何舉天下豪傑。付之瑣瑣輩哉。凡物之可乞者。泉布之小耳。明珠大寶。未有乞者也。此何任也。而乞與之也。

敦行實

敦尚士行

臣聞王道旣衰。諸侯力政。好惡殊方。人各善其私學。

以干世主。於是百家雜技。蠶出並起。漢興董仲舒以爲無所統。一下不知所守。畫策定議。諸不在六藝之科。孔子之術。皆罷絕之。方今道德一。風俗同。家詩書而戶孔孟。五尺童子。羞比管晏。則既粹然正矣。而人才乃不逮古遠甚。何哉。夫物莫不有實。實者物之所凝於天地之精。而所用於天地之具也。稻粱之貴於萬稗。決矣。有秕焉。雖如坻滿車。上不登於簠簋。下不救於饑餒。何者。無實故也。無實則萬稗不若。今夫申不害商鞅。墨翟李悝。司馬穰苴。孫武之徒。豈非學士

之所賤簡哉。嘗試求之。天下有內修政教。外應諸侯。廣地富國立主威者乎。無矣。有枯槁不舍。爲天下墾草入邑者乎。無矣。有文能附衆。武能威敵。攻取戰克者乎。無矣。蓋其所爲。雖不軌於大道。然而言必信。行必果。即事必著其效。未嘗以虛辭借也。故以諸子望聖人。不啻萬稗之於稻粱。至其確然必出於實。而無辭避虛誑。以各求其事之必濟。亦與聖人何異哉。願有邪。有正耳。嗟夫。天下何秕之多也。嘗試論之。聖人之教。其道君臣父子夫婦兄弟朋友。其法禮樂政刑。

其本正心修身。其用治國平天下。其文六經。皆實學也。然而諸子之學。狹而出於技。故必掀形怵心。乃有以見其奇。而成其頗僻。聖人之道。大而本於中。故愚不肖可以及。賢知不敢過。而人亦得以竊其似。所謂其道無常者也。是故懸爵祿之重。而較於文辭。則謂之言揚。習剽綴之文。而邀乎富貴。則謂之明經。英華果銳之氣。盡消於陳腐軟熟之中。孝弟廉恥之心。盡移於聲利盛麗之習。居常論議。莫不舍其所憎。而舉其所便。論生歿。則貴髮膚而退成仁。論出處。則稱同

群而隱義命。論交際。則借受宋而諱却齊。論道術。則引中庸而弃狂狷。修鈔德行。則目爲好名。希慕聖賢。則日爲僞學。謹厚者已頽然。托於不舉不刺之間。佻儇者則肆然而無所忌憚。蓋莊周已有糟鬼詩書。發冢之譏。又况糟鬼中之糟鬼。將弁與詩書而抹殺乎。我其冠。初其服。皆謂之儒。稗雖具而實亡矣。乃取而貢之天府。已不敢望萬稗之用。尚欲以充明堂而贍百姓。不亦謬乎。臣聞耕而鹵莽之。則實亦鹵莽而報。芸而滅裂之。則實亦滅裂而報。故旣耔而培矣。非其

類者鋤而去之。所以使之遂茂歛其華而向於實也。至於稅者亦播之而已。是以農之良者富於粟。君之仁者富於才。今督學較官既皆得人。則宜使之敦尚實行。以文取士。已不可變。要以實行為主。較官周知一學之士。督學周知一省之士。歲試文優而行優者上。文優而行劣者斥。行優而文少劣者則亦上之也。歲薦文行優者貢於部。不然罷勿貢。鄉試文行優者進于省。不然罷勿進。使人得爲善之利。不善者文雖工而不免於輾軻。士乃日趨於實。今既欲人務實而。

去取又在虛文。此蘇轍所以有樵牧之論也。雖然，臣嘗讀憲令，朝廷之意，豈不慎重哉！既有臥碑矣，又有三等簿矣，又令歲貢視性資學業矣，又令鄉試有司保舉文行矣，然未有行者，則法不信而人不敢也。法令貴實行，而實行者恒困蓬蒿，法令賤虛文，而虛文者恒衣青紫。是以上之人知行之，必不得宜，文之終不能抑也。穢同市井，行若盜跖，心知之矣，視其文而華焉，則亦取之，懼其雖抑於今，必顯於後，即今暫抑後，未有不收者也。天下誰肯出而任其怨者？先王之

法簡不帥教者。習鄉射以觀之。至於卒不變也。屏之
遠方。終身不齒。其不忍絕人而拒惡之嚴如此。今亦
宜簡可教者。使之觀感於善。甚者雖華其文。而亦不
齒。督責按官。無以好惡書於籍。而又參以提調之書。
取舍進退。一以爲據。本之以誠。行之以決。守之以固。
不事姑息。而有所忌避。庶能使人孜孜不已。興起於
法度之外。而實行可得也。不然。鹵莽滅裂。天下益趨
於稅。且治天下。又烏用是稅者爲哉。

決資格

三途並用

以綱齊之。才而世微。無以自展。資格之類。人不一。

臣聞天下之物。有有格者。有無格者。善用者以方而

亦甚乎。

合方。不善用者。以長而合短。長短方員。所謂格也。惟

不得其彼此之宜。是以齟齬而不相入。以此合彼。尚

不能入。况以無而合有哉。今夫人有知愚賢不肖。而

賢知之中。又有政事文學言語勇畧之異。其所以成

於天者有形也。官有崇卑繁簡。而崇卑繁簡之中。又

有治教兵刑錢穀辭翰之殊。其所以理乎事者有狀

也。成於天者有形。而理乎事者有狀。謂之格也。亦宜

均是人也。而曰進士焉。曰舉人焉。曰歲貢焉。低昂視

乎。睂。睫。美。惡。隨。乎。唇。吻。此。如。生。人。之。初。執。而。姓。之。曰。
一。實。賤。通。家。視。其。所。遺。不。知。其。所。以。然。正。似。生。而。得。一
某也。某也。亦遂以爲某爲某而已。豈故有是哉。故夫

姓耳

官人之法。與其合乎隨於人者。不若合乎成於天者。之爲得也。雖然。人之所隨。曷嘗不謂天之所成矣乎。學較之士。群而試之。拔其尤進于禮部。不能者無繇自至焉。初非塞其門而扼之也。則其至者。固所謂賢。固所謂知矣。鄉貢之士。群而試之。拔其尤上于天子。不能者。無繇自至焉。亦非塞其門而扼之也。則其至者。又所謂賢。又所謂知矣。人之所第。一因其分之

所成。而亦何以自解。嗟乎。其所以試而拔之者。果取之於知。愚賢不肖乎。將取之於空文靡辭也。其所以官而用之者。果取之於空文靡辭乎。將取之於賢知也。空文靡辭。不足以定有形之實。而徒被之以無據之名。而乃理之以有形之實。然則人君欲以格而臨天下。可不知所合哉。晉者成周之士。有選僞造進之分。益畫然別矣。而所以興之者。六德六行六藝也。名之。即其實用之。即其取。是以隨其質之所宜。而論之以爲卿大夫士。鄉遂之吏。適有以相合而不爽。今格

之所定。疎於司徒。而格之所拘。過於周代。甚非所以
廣英才而成化理也。且夫天下亦多故矣。而非氣則
莫之能濟。居之所乘。氣之所變也。富人之子。顏色姣
麗。動止容與。群處而聲揚。起趨而趾高。豈其盡賢知
哉。居富而氣盈也。貧人之子。出入抵巇。進退惟谷。欲
談而宛舌。將行而擬足。豈其盡愚不肖哉。居貧而氣
歉也。故謂歲貢之不如舉人。舉人之不如進士。此兩
者可以觀矣。歉則易委。委則靡然而有不振。盈則易
足。足則蕩然而無不爲。抑者旣靡引者又蕩。則人主

人○才○之○不○出○實○事○之○不○效○盡○于○此○兩○

孰與共天下哉。

陛下知資格之弊。奮然欲決去之。

發德音下。

明詔深嗟太息。歲貢不得爲方面。舉人

絕望乎九鄉。可謂越拘攣之見。馳帷墻之制。而獨觀

乎三五之道也。臣竊疑之。十圍之木。必生鄧林徑寸

之珠。必產合浦。何則。聚之衆而擇之易也。今以三年

之率計之。舉人三倍於進士矣。歲貢三倍於舉人矣。

然舉人望進士。百不一二焉。歲貢望舉人。百不一二

焉。即有之。亦閒署左官。遐邑僻郡者也。且汲汲去之

矣。諺曰。困廩鷄栖。不啄亦提。言非其據也。豈其無留

良乎。抑方振而未應乎。或尚未免於拘攣。惟墻乎。不然何宜見而不見也。國初官使惟務仁賢。下品無墮地之汗。上第無登天之驟。誠以其人而已。茲欲使進士盡爲判尉。如宋則其勢必不可行。况舉人旣已不注。而又國之盛典。臣愚以爲自三人以下。且無驟使顯。而試之於事與民。舉人歲貢之良。皆得如進士高銓之等。及其蒞事治民。有可指見而改其官。登降用舍。不復以科爲斷。蓋初進之時。惟問舉業。故不必同其出身。但其所不限其所至此則通人情舉人不能如進士得遂出身。歲貢不能與舉人同試。

皇明經世編

而合時變

葉綱齋集

卷之一

三途並用

十一

平露堂

三九七

禮部至於銓注亦多詘焉則舉業之爲也既官之後夫豈論此學問該博文章典麗斯可以爲翰林節操端方國體鍊達斯可以爲科道故國初於斯三選上不專用進士下不薄鄙歲貢按官他可知矣是以古之聖王作人於有格之中而不弃人於無格之外作人於有格之中者有格而使之無格也弃人於無格之外者無格而強爲之格也矧乎祖宗之朝草澤九流咸充任使胥史小吏悉屬明揚功施廟廊光垂琬琰亦豈以格拘哉今則置而不收賤而不齒草

澤多枯槁之夫胥史懷奴隸之志又其甚矣臣欲請復賢良諸科令監司守令舉保覈實與科舉並用二千里歲舉一人不惟其多惟其稱因其所舉以爲舉主賞罰天下無得入錢爲吏試中乃補上之人又必遇之以禮養其廉恥不爲限其所至使之欣然皆有自奮之意夫不强爲之格以盡天下之才而但察其所宜以合其用則賢知大小各得其分即愚不肖亦皆鼓舞以進於善官職不修未之有也然則天下之人亦何必多爲等級以拒絕之哉。

審舉劾

刺舉務覈

臣嘗讀史而嘆齊威王得御臣之術也齊威王委政

叙事自作古

以來國人不治矣當是時即墨大夫最賢而左右乃
日毀之也威王使人視之田野闢人民給官無留事
東方以寧賢也則召而語之曰子不事吾左右以求
譽夫封之萬家阿大夫最不肖而左右乃日譽之也
威王使人視之田野不闢民貧苦趙攻魏不救衛取
薛陵不知不肖也則召而語之曰子其以幣厚吾左
右以求譽夫烹之譽者並烹之譽阿者即毀即墨者

也於是群臣震恐莫敢飾詐務盡其誠齊國大治夫
即墨賢封賢阿不肖烹不肖可矣而私毀私譽之必
誅豈非讒妬者即毀政之原朋淫者乃假手之道哉
驩堯之放於崇山也其罪不可考也獨故嘗舉共工
耳而舜亦自言其聖讒說殄行也繇此言之威王之
所以奮其飛鳴以警動臣工者其即舜之術與今夫
倉公之用藥也將欲使之去邪而保正則必先制其
性炮炙浸漬靡不備至苟不制伏而惟其性之所爲
則將橫發爛縱邪氣益張正氣益耗幾何其不溘然

以斃也。君之用人，何以異此。近日京朝保任，久未見行科道封彈，亦惟其巨。天下司府州縣官吏賢否，獨在撫按。臣嘗聞邸報矣，其舉者必方面大官也。不然必進士州縣也。不然必其突梯庸脂善為媚者也。不然若是千百中之一耳。其劾者必州縣小官也。不然必舉人方面也。不然必其倔强裾立不善為媚者也。不然若是千百中之一耳。是故東方明矣，卑庇而候于門，屏斥蓋輿擯弃錦繡，厲行避影，鵠立臨厠，偃樓唯諾，不可復立異矣。

口啞啞如有吞，則大官莫不皆然。况小官乎。何者，所

此已成故事

舉而免劾也。使車至矣，喘汗而迎于途，抱杙視膳，望塵展拜，羞品極水陸，供張擬王者。凡所以悅耳目，娛心意者，纖悉具備，則進士莫不皆然。况舉人以下乎。何者，所舉而免劾也。大官進士，薰灼未艾，吾之舉者常在焉，而又速之以媚，小官舉貢，止泊有所，吾之劾者常在焉，而又邀之以媚，是以王石混淆，邪正雜糅，公道榛塞，人心幾幸。此國政之大蠹，時俗之深痛也。夫天下如此，其大矣。賢人君子如此，其不少矣。而臣安敢妄有以詆之哉。人之言曰：聽言之道，必以其專。

觀之則言者莫敢妄言。臣嘗迹其事矣。蒿藿成林。倉庾告匱。田野未見其闢也。糟糠不厭。襤褐不完。人民未見其給也。官怠而不勤。吏奸而俟賄。事未見其不畱也。貧苦失職。閭里呻吟。百姓未見其寧也。天下一家。固無敵國相侵之寇。然郊門之外。盜賊日屠。鄉聚老幼。係累疾夫。爲之涕下。典兵者未嘗遣一繆以擬之。緩急其可使乎。皆徃徃被舉矣。此臣所以妄議之也。夫媼妍因乎強弱。則剛者吐而柔者茹。美惡視乎苦甘。則佞人登而直人遠。豺狼截道。牂豕爲辜。狸鼠

同遊狐蜚變態使遇威王必無事矣。且藥未有不制而可用者也。臣願陛下攬虞帝之權收齊王之柄。

審舉劾之司重巡按之責。令都察院堂上官保舉強

如是考課恐亦

幹廉明御史遣之。俾察官吏果有賢能超異與貪暴

爲空言

尤甚者明著實迹特奏。其中材之人可上下者別其

考語以聞。各爲正副二籍。正者留中省閱。副發吏部

待齊所遣

與二三大臣雜治之。考語俟考舉劾驗實。如所謂使

則視者未必得人。以爲慮亦不細耳。

人視即墨之爲者。然後以行刑賞。其有賢能徒以格

卑或不善媚被劾。仍遷之。不肖被舉。舉劾不實者。悉

問如律使還堂上考察以進賢退不肖爲稱蓋中人最多爲治有要是以齊縣七十止取二人公道昭明誰不懷畏而又操執乾綱專治刺舉之吏則其制乎御史即所以制天下郡縣也夫天下至廣人至安能盡知故寄耳目於左右目瞽而黑白不殊耳聵而淫雅相混則是必天子自爲而後可耶甚矣人之不忠也天子固無自爲之理而左右又不可盡信然則齊威之術可以其異於舜而弃之哉

擇將帥

試士騎射

臣觀蘇洵之論將帥曰將特一大有司耳非相比也豈不然哉雖然王良造父天下之善御者也使以蹇駟而駕敝車骨苦筋勞躑躅而不能進非長於尺而短于寸也其所病者敝車非任重之資而蹇駟非致遠之器也則將固非相比亦烏可不慎擇乎哉方今天子憂勤於上大臣宣播於下而甘澍之灑不能及於覆盤輦轂之地涿洙闔慄而邊郡之氓肝腦塗荒墟膏液潤腐草老稚係累父子夫婦不相保此將吏不肖也昔我太祖皇帝以馬上得天下擐甲厲

劔與諸公並馳於中原者十餘年。御將之道。籌之審矣。都司衛所。繡錯宇內。要害之處。置鎮戍焉。闔外之

寄。悉屬武臣。以為指刃揮兵。率旗陷陣。非豎儒所能

辦也。昇平既久。法令益弛。統袴之子。秦於醒醲。其靡

之中。沉於絲管。娥姣之際。肌節駑緩。智識鈍眊。故

仁宗皇帝命文臣臨鎮。治文書。議機密。參軍務。理邊

儲。後皆改都御史。稱提督矣。天下治安。縉紳用事。介

胃之夫。俛首下氣。唯唯聽命。是以總副參遊。有將之

名。束縛而不能振軍旅。大權上歸提督。下屬備兵。屹

辨參謀後稱提督此文武官輕重之所懸變

成祖特黃公為文臣一司勉

以攝官勝事黔英二公觀其書札可見

然將帥之任矣。故此兩者不可不慎擇也。今之所任者誰也。章句小生。持方幅之紙。搖手而攫高策。安坐數年。富貴逼人。遂據而有之。入則列兵而居。出則陳戟而遊。擊鮮飲醇。蓋光寵富厚矣。盜賊滿山。耳聵而不聞。百里之內。攻下鄉聚。屠戮黔首。虜掠子女。目眙而不見。巢奪民田。虧損國賦。心憤而不知惴惴。然幸不攻城劫庫。自可數日而遷。畫墮以外。委以啖賊。倍力爲巧詐。匿不上聞。飾虛功。執空文。以調至上。此民之所以哀籲而無告也。豈其與賊暱而利民歟哉。身

家重而勇畧微。警然一豎儒耳。驚悍踧踖。奮臂而善鬪者。壯士也。婦人女子。緩步柔聲。珥璣曳縞。闔閭則閉戶縮頸矣。柰何。今婦人女子鬪哉。臣觀三代之時。多以車戰。故士自少。即學射御。司徒大比。亦以是而興之。與德行禮樂書數同選用之於戰。皆能致師。非苟而已。是以太祖皇帝洪武三年。定科舉格。中者後十日。試以騎射。意念深矣。非大聖人孰能如斯。臣欲令鄉會中式舉人。願試騎射者。如洪武三年例。試中注於其籍。授官時。以爲捕盜通判。兵部主事。使之

即如此。銓注以上第

者。初之。竟。而。左。官。矣。雖。肯。以。射。自。見。者。乎。
治冠行邊講方畧。習韻鈴以待備兵提督之用。然而

論者。以為騎射一人敵耳。不足以得大將。殊不知武
之弓矢驟馳。猶儒之槩觚揖讓也。善槩觚揖讓者。未
必能為聖賢。未有聖賢而不善槩觚揖讓。善弓矢驟
馳者。未必能為將帥。亦豈有將帥而不善弓矢驟馳
哉。論者不稱太公之膺揚。而稱張良之似婦人。不稱
孔子之却菜。而稱杜預之不穿札。是皆獵取一二以
自解說其無能而已。且夫軍旅之事。以志為主。以氣
為用者也。章縫之人。而善騎射之技。其志深。其氣壯。

矣。備兵提督固不必出入行陣。與敵角一技之間。然而定議運謀。鼓銳制勝。非志氣何繇哉。駕萬斛於大海。楫之櫓之。非長年也。而惟其命之聽。苟不常習。聞洪濤而股慄。見巨浪而心悸。尚安敢置身其中。左顧右盼。示水道乎。科舉之學。較士於槩觚。揖讓本不足以得人。豪傑繇之而出。何況弓矢驟馳。使天下之人。知上意之所在。必有割然響應者。方今武舉雖設。但其所得。不過挽強引重之麤材。入耳出口之腐語。且待之甚輕。即至總副參遊要。亦命於人。非命人者。

若又合文於武。則其智識足以料敵。勇畧足以當患。而勢可以有爲。夾贊董責。誰不聽命。又使訓練武官。歲時比試。以俸而制賞罰。其踴躍者必至矣。今勲臣教讀。旣成虛文。武官訓練。率皆弛廢。至居閫外。所聽命者。又豈儒也。國家何賴焉。

較賦稅

因地定賦

臣聞三代之時。無輕重之賦。貧富之人。此何故也。天下之田。皆歸天子。上之所授有常。而下之所輸有定也。阡陌開田。不授於縣官。皆民貲市而力得者。縱橫

分裂。惟意所欲。縣官特總其賦之大凡爾。廣踰千萬而儋石不供。步僅丈尋而倍蓰不啻。此天下所以苦不平也。語井田於後世腐儒矣。然而強陵弱。眾暴寡。知傾愚不為整齊劑量。聽其自生自治。遞為君臣。則豈父母所忍哉。蓋今天下田地不均。官民異則。狡獪之胥。豪悍之族。倍力為巧詐。飛走千形。機詭萬狀。派於見在。謂之活洒。藏於逃絕。謂之歛寄。分於子戶。謂之帶管。留於賣主。謂之包納。有推無收。有總無擦。倏忽變幻。鬼不可得而原也。至於富人憚於征徭。割數

賦稅異等各視其地不可以一律論

畝之產。加數倍之賦。無直以充貧民。貧民逼於窮蹙。持難售之田。苟速售之利。減賦以邀富室。廣狹輕重。雜亂混淆。富者田廣而賦反輕。貧者田狹而賦反重。富者有公侯之資。貧者爲狗彘之食。此所以流徙徧於山林。而盜賊難禁也。蘇軾號稱豪傑。而患按地更賦之不易行。管者洪水沸出。蓋漫於天地矣。大禹灑而澹之。東歸於海。若溝瀆然也。天下豈有難爲事哉。且夫土地之數。載之以籍。不若稽之以圖也。周禮大司徒以天下土地之圖。周知九州之地域。我朝黃

冊里一圖焉。亦圖其戶耳。蓋人繡錯而居。圖於東而移於西。田地則星分碁置。千古不易。故人不可以圖拘而田則可以圖得也。惟以田而繫人。不以人而繫田。是以增損出入。莫可踪跡。臣愚謂宜盡天下田地。弓之。不以官民起科。惟以肥瘠爲則。因地定賦。哀多益寡。如額而止。某處田若干。某田稅若干。魚鱗圖之。占田者書於其下。里有幾鄉。鄉爲幾圖。里長掌之。圖與黃冊相並。占田之人。十年更書。圖則如故。更造之際。里長察之。即其稅之收除。而窮其田之交易。或失

覺或姦利。以致遺糧租稅徭役。里長代辦。蓋先王之世。八家同井。宅在田畔。入之所耕。衆共知。賦之所入。衆共供也。故弊不作。今彼此殊方。田宅異所。一里之人。目不相識。一甲之田。足不相躡。欺隱之罪。里長雖同。未嘗實以責之。是以弊如牛毛。難數之矣。黃冊固嘗隨里通計。封內田地。第有數。而無圖。今旣圖里甲。復圖田地。此里之長。居彼里之地。不問也。此里之田。必問此里之長。彼里之人。占此里之田。不問也。此里之稅。必問此里之田。雖未履畝。披圖可見。後之君子。

所以憚井田難復者。以爲守令數易。不如封建。世於其土。豪髮洞析。亂無從也。田賦伸縮。一問里長。更者必於故者。受其指示。即世於其土。何異哉。蓋同比閭。孰鬻孰受。孰洒孰寄。其知必詳。有代辦之虞。其防必至。不然里之田賦。雖如其圖。未免陰爲贏朒。國之田賦。雖如其數。未免私爲登降。漸積漸差。復如前矣。或謂里長代辦。則逋者無忌。代者無可柰何。揭其田標。其稅苟明著矣。豈槩之乎。

修軍政

查復軍屯

臣觀三代而降，兵農異處，於是有天下者，恒患兵之多而食之寡矣。國初之制，殆不然哉。惟其廢而不脩，故至今日，兩受其弊而莫振。成周以丘甸制兵，五百一十二萬之夫，備萬乘七十五萬之衆，則是七夫而賦一兵也。雖曰征行不常，然亦豈能晏然無事者。至於鄉遂，則家一人而田與追胥竭作矣。國初置衛四百九十一，所三百一十一，以軍計之，約三百一十萬餘，而是時口之登籍者六千五十四萬，則是二十人乃一人爲兵也。况平守城者三屯田者七，二八

一九四六中半之法因地異焉不耕者少矣天下屯

田八十九萬九千餘頃官民田八百四十九萬餘以

八十九萬九千餘田分麗三百一十萬餘之軍人得

論軍餉流弊大不可謂詳盡

二十九畝八百四十九萬餘田六千五十四萬人

聚而耕之比之軍之所耕乃其半耳則是軍之力盡

南畝而民反不逮也三百一十萬餘之軍歲食糧三

千七百二十二萬餘石屯田二十畝除正糧納餘糧

六石八十九萬九千餘頃通得餘糧二千七百萬石

則是軍之食軍自給之邊儲之所運軍需之所徵供

於民者無幾也。軍多爲農。故雖額設數百萬而不見其冗。食出於軍。故雖歲費數千萬而不見其匱。城者較藝於三操。田者講武於隙月。內外相維。彼此互發。兵戎奮。倉廩實。故雖師興數十萬。而不見其難。且有待於他之也。至於今日。軍之存者八十四萬餘。四之一。爾糧之存者三百七十七萬餘。七之一。爾夫兵與食相爲贏縮者也。兵冗則食匱。軍旣少矣。而糧不見其有餘。食匱則兵冗。糧旣少矣。而軍愈見其不足。豈非脫籍者衆在籍者又坐食乎。未墾者衆已墾者又

糜於坐食乎。二者相須縮則俱縮乎。置八十餘萬坐食之人。以蠹三百餘萬僅存之粟。故今日之食。誠病其寡兵。雖不逮於昔。亦祇見其爲多也。且以七一之糧而食四一之軍。必不能給。是以漕粟鹽引悉取諸民。一旦有急。坐食之人。圍視而不能戰。復驅民兵當之。無事旣浚膏血以奉軍之生。有事又塗肝腦以代軍之死。此法之所以益弊而民之所以重困也。臣愚謂宜脩國家之制。復兵食之舊。有田則不患無兵。有兵則不患無食。有兵食則不患無用。而何待其他。蓋

人四方無擇。而田萬古不移。或侵於蒿萊。或奪於豪

若一清復恐致私擾

右。可以往牒求也。今誠未得軍以耕之。明疆畔。給器

具。授之貧民。而責其六石之入。而無月糧之費。此與

軍之所耕。何損合一人之入。以募一兵。百萬之師。可

指顧得也。屯田憲臣。但督子粒。不履田畝。所謂舍其

根而求其苗者矣。至於清軍。丁盡戶絕者。固當結罷。

易名變籍者。則當究原。在伍行核。補伍俟報。雖萬里

之遙。亦一二年可返也。奈何獨付之文墨間哉。况乎

官以清軍為名。何所不問。隱占縱放之弊。老弱顧倩

之姦。侵削逃亡之罪。實在空缺之數。行部所至。可不稽乎。胡專彼而遺此也。軍伍旣充。然後守城者。屯田者。屯。豈患乎食之不給。乃若有司。抑配必遣壯丁。旣犯明刑。不宜肆赦。豪富之家。寧沒其產。以廣屯樹。教練之法。必如會典。騎射弓弩鎗刀之試。各有式程。官不操練。具問如律。庶乎環列衛所。皆投石超距之士。一旦遇敵。勇氣自倍。亦何待驅不教之民。以蹈必死之地哉。雖然。今之所以重發官軍者。畏擅調而恐折傷也。夫衛與守禦云者。豈嬰城自保之謂哉。從便

乘機剿捕會捕律則已許之矣。若夫兩鬪勢不俱完。彼此相當。已足原宥。坐視退縮。乃宜罪之。苟不寬假。人皆顧忌。而以養軍之民戰。彼已養軍矣。

去盜賊

惠州流寇

臣觀有天下者。皆畏夷狄而輕盜賊。豈以夷狄長枝。非山澤小氓比哉。嗟不然矣。志不在大。即折膠控弦。不過草竊。苟有異志。荷鋌持挺。非黃馘之匹夫也。况夷狄僻居北垂寒露之野。隔山谷。壅沙幕。天地所以限內外也。侵寇剽掠。天性固然。明烽燧。謹斥堠。斯鳥

獸遁矣。盜賊則蝘我疆土。據我膏腴。利則出攻。不利入保。此腐腸之毒矢。而剝腹之犀刃也。夷狄比之懸矣。臣自結髮。即有天下之志。謂丈夫當以身報主。犁庭掃閭。揚旌萬里之外。以明中國之威。無從也。生長嶺東。日覩盜賊之害。故爲 陛下陳之。惠州盜賊垂十年矣。初蓋一二兇豎。弄兵潢池之上。搏之如咋鼠耳。有司爲轉官計。匿不以聞。百姓上變。反擊扑之。於是綠轉瀾漫。蝟毛而起。至於今日。如敗絮之虱。按於東而出於西。攻下鄉聚。屠戮老少。俘虜子女。巢據田

宅驅奪畜牧，芟夷農功。白骨滿山，赤地千里。此仁人
之所傷也。陛下幸哀憐百姓，詔各地方官以講武
爲不急，以玩寇爲苟安，將盜賊妖逆，隱蔽從容，不早
撲滅，往往釀成大患。至明聖矣。臣去年五月離家，賊
營府治百里之內，破三十餘園，殺萬人。陛下豈聞
之乎？蓋地方之官，心非忠義，志在富貴，其於百姓，不
啻若胡越也。惴惴然所不劫庫攻城，自可數日而遷。
故畫隍以外，委以啖賊而不顧。賊亦明知其意，不向
城府日啖百姓，而無嚴如此，是官與賊市也。粵南在

于。此。知。賊。不。攻。城。府。乃。天。下。之。深。患。而。守。土。

者以爲無傷也

五嶺外明珠大貝。以遠見珍。常爲吏所愛惜。民生其間。以遠易侮。特不爲吏動念。殺戮之禍。甚於北垂。吏加欺蔽。不得與北同被憂恤。賦稅之入。等於中州。田歸盜賊。且與羈縻郡縣相視。益悲痛愁苦矣。然在位者。必以兵食之匱爲解。臣歸善縣人也。親戚故舊。賊虜多矣。方其平居。一金若無也。一人若無也。至陷賊中。檄俘虜速贖。不然且斬。則妻子脫簪珥。骨肉充任使。何者。情之迫而處之周也。以胡越之人。而托兵食之計。匱不亦宜乎。粵之郡。惠爲小。惠之邑。龍川爲小。

而趙佗則龍川起也。當秦漢時。惠蓋僻陋矣。山海之貨。尚未盡賦。蒲菹之蕩。尚未盡除。趙佗收偏互之利。籍菿霍之兵。遂并嶺表。南面稱孤。曷爲兵食患也。况惠官軍外。民兵二千八十六人。有司倍役之。則四千餘矣。城守狼兵。又不一千。正德間。都御史王守仁曰。狼兵之調。非特所費不貲。其殘掠不減於盜。南贛精兵二千有餘。得以大軍誅討。賞罰行之。而惟成功。是責則比大軍之舉。費半功倍。安危之計。豈不以人哉。臣敢效愚策。以備采擇。曰。求豪傑以典兵。嚴刑罰。

以制命。假便宜以重權。慎剿撫以務本。而兵食不論也。何謂求豪傑以典兵。提督兵備。征伐之柄在焉。守令告急。兵備不悅。無爲也。兵備告急。提督不悅。無爲也。總副以下。視人眉睫。指揮以下。聽人肱臂。又何責哉。今之在位。皆告急不悅者矣。柰何民不枕籍而殞也。二者當擇。宜決資格。求豪傑。必得忠義自許。勇畧素著。欲垂名於竹帛者。而後委用。則見肝腦塗地。其情必迫。兵食匱乏。其處必周。誓不與賊生矣。不然。業舉之子。患失之夫。不敢言兵。則不敢任事。不敢任事。

則不敢以聞。不敢以聞。則不敢動眾。非欺蔽無謀耳。

何謂嚴刑罰以制命。燼熾莫探。崖峭莫窺。何者探必

焦而窺必隕也。故人畏之。陛下詔巡撫守巡兵備

等官。如再庇惡殃民。巡按御史嚴行參論重治。蓋凜

凜矣。今論治者誰也。燼得無可探乎。崖得無可窺乎。

省漢作沈命法。盜起不發覺。發覺而捕弗滿品者。灰

其後畏誅。上下相匿。以文辭避法。盜賊寢多。今法不

至如漢而人皆欺蔽。則寬之過也。至借彈劾以脫身。

因調遷而膺仕。尚謂之法哉。何謂假便宜以重權。龔

皇明經世編

葉綱齋集

惠州府志

天

平露堂

遂一郡守耳。猶曰治亂民不可急也。願無拘臣以文
法得一切便宜從事。蓋用人而拘之。是繫騏驥之足
而責千里也。其必重委任。去尺幅。使之展布馳騁。市
租可以饗士卒。贖金可以充賞勸。先發而不爲專。少
劔而不爲挫。所以解苛細而求功賞也。不假之權而
制其命。固難能矣。何謂慎剿撫以務本。招撫之說。古
蓋有之。所以待脅染而處服馴。非以媚渠魁而順鷲
悍也。况乎勝之而撫。則權在我。不勝而撫。則權在賊。
權在我。則部置散合。惟吾之聽。權在賊。則喜怒哀惡

惟賊之從。惟吾之聽。則一撫永寧。惟賊之從。則朝撫。久。叛。二者相去。若莛與楹。三尺童子。不可欺也。惠州之權。果誰在哉。候騎至郊。隻兵莫接。咻煦防送。如奉驕兒。稠載而歸。遂名已撫。朋伍不散。刀戟不銷。田人之田。室人之室。攻劫自如。螫毒益甚。鬪之則有不支。訴之則爲妄語。此良民之所以糜爛。而惡孽之所以蕃滋也。山谷日殺人。里胥日張讎。虛美薰蒸。實禍蔽塞。咨咨殘息。何繇至。陛下之前而訴之乎。今得豪傑而用之。嚴賞罰。假事權。誠心而行。相機而動。剿之

足以爲威撫之足以爲德。庶幾哉。民有更生之日也。人之於身。即其一毛。無不愛者。陛下德同天地。澤及昆蟲。豈重北垂而輕此南荒僻遠之民乎。則欺蔽非也。

省費冗

裁減冗員

臣聞天下之言。雖其至常。而要之不能易者。君子之所不棄也。饑則曰食。寒則曰衣。此兩言者。豈非天下之常言哉。然未有舍食而能濟饑。舍衣而能拯寒。是以雖其至常而不可棄。省費冗。務樽節。此亦天下之

常言也。足國之道無以易此。臣亦安敢舍而不談。以避腐儒之誚哉。晉者宋之仁宗。稱恭儉矣。是時賂虜歲費金繒數十百萬。此如子錢之人。責負于門。雖欲貶損而不可得。今天下一家。伸縮操縱。惟在于上。如巨富之室。歲入偶歉。自勉以率家人。節用度。減臧獲。裁顧傭。抑子弟。誰敢不聽。雖然在人者易處。而在己者難割也。詔曰。內府供應。朕加意節省。用自有餘。該部照弘治及嘉靖初舊額酌量徵派。其以後加添者盡革。乘輿之際。人所難言也。陛下割之矣。以此

推之。光祿太常之厨役。勲衛監局之員額。勇力工匠之班隊。戚畹內廷之賞賜。豈固不如制哉。弘道德之風。去靡麗之飾。慎起居。斥珍怪。嚴近幸。戒逸樂。享萬邦。惟正之供。以觀示天下。而在人之冗。有可言矣。蘇轍謂害財者三。曰冗吏。冗兵。冗費。兵食之計。臣於修軍政篇已畧言之。吏之冗者。雖更僕未易終也。臣特言其以千萬數耳。仲尼弟子蓋三千人。漢之經師。其從遊亦至千餘。今一學教官必三五輩。其教視古何若。高者乃課舉業。舉業須課之。裁盡削其訓三四千。

員可歲省十二三萬。天下武職踰十萬人。五倍於管。竭膏脂以養罷駑。非計也。誠宜嚴賞功之格。重比試之令。使官不可輕得。其已官者。軍政治事。乃支全俸。額視職掌而止。帶俸者。十三給之。有罪科斷如律。開國功臣。不失爵位。亦數公耳。此何功德哉。五倍之美。奚啻數百萬也。初建北京。惟設行部。分列六曹。後旣定都南京。諸司仍而未革。投閒養望。乃以居之。臣愚以爲守備外。并宜裁罷。比於中都。特爲雄勝。亦足以控制東南。奠安陵寢矣。蓋有商五遷。不別置官。成

周並建。惟命畱後。無用此大事爲也。况其俸幾二十萬。斟酌裁罷。則所省豈尠少哉。至於冗費。祿米爲甚。先朝諸臣已屢言之。廟堂之議非草茅所與知也。而臣則感於古焉。封建諸侯。周室爲盛。周公以功宗之。冠。憑叔父之尊。其封於魯爲方百里。燕享朝聘祭禮。征伐宮室城郭百官之費在其中。後世子孫繼爲諸侯。分爲大夫。公田采地。不出於國。漢之謀臣賈誼主父偃。立衆建之策。行推恩之令。亦使子孫受祖分地。今天下郡國皆屬。朝廷征伐宮室城郭百官之費。

諸王不與其憂。郡王以下。秩秩繩繩。朝廷兼任其責。此所以有不勝之患也。漢天子自有三河東郡潁川南陽與內史等凡十五郡。今兩畿兩浙財賦所自出。京師所仰給也。其餘王府州郡。自邊備軍糧吏廩預備造作。與凡典籍之不可廢者外。悉以付之。初爲均定其制。後雖子孫多寡。并令出入其間。蓋百姓兄弟初均受產。數世之後。子孫雖或不齊。終不損此。以與彼矣。聞慶府分封郡王。曾於一萬米內分撥。不知此時奉何例也。天下害財固不止是。特舉一二大

者。以此推之。財用庶可足乎。

闢土田

幾輔聖田

臣嘗讀司馬遷所爲貨殖傳。列致富人十數家。具道鹽鹽鐵冶丹穴危茜之事。與王者埒家不訾。津津矣。及叙白圭觀變趨時。若猛獸擊鳥之發。必以李悝務盡地力先之。然後知遷傷切於世。憤其所爲。未作濫而本業衰也。故曰本富爲上。末富次之。此豈昧於大較。悅奇勝。惡治生之正道哉。昔廩之人。負郭千頃。荒蕪不治。持籌執筴。以爭刀錐。指計僮奴。扼吭而誅其

入。所謂舍萬金之產而行乞於市也。土田當闢。古今諸儒具有論著。大者在唐鄧汝穎。陳蔡許洛。荆襄淮楚間。臣未敢論。論畿甸中。古者畿內謂之甸服。粟米總銍。於是而出。所以省輸將。便資給也。國家建都北平。古爲燕國。燕故諸侯。官闕城郭之壯麗。王府會同之輻輳。百官萬民之殷庶。何敢仰望萬一。然自文公以後。立於疆國之間。北迫蠻貉。內措齊晉。又嘗帥師爭馳中原。乘勝逐北。翱翔千里之外。此其爲費非微細矣。蘇秦入燕時。東有朝鮮遼東。北有林胡樓

煩西有雲中九原。南有滹沱易水。即今畿內東西
 所至。視管雖狹。而南有渤海鉅鹿。至于邯鄲濮陽。益
 兼齊趙之地。長短相互實。亦當之。管者織悉出於其
 國。而今盡仰江南。非所以富國息民也。蘇秦謂燕足
 於棗栗。栗支數年。不言秔稻之事。豈非人謀地利。漸
 乃出哉。臣觀往牒。何承矩耕水田於河北。虞集議海
之者。舉也。
 田於京東。脫脫大興營田。西自西山。東至遷民鎮南。
 起保定河間。北抵檀順。皆從司農佃種欣慕之焉。水
 泉陂塘之迹。門堰捍築之方。召募教授之法。器具工

作之資。蜃蛤粟米之富燦然可觀也。按成式法。往智
數歲之後。其效立見。此與轉吳會。漕潞。漕功相十利。
相百矣。窮山澤。計毫毛。取贏萬里。而直千里之內。弃
而不收。甚可惜也。然出數十萬緡。以爲利本。而取息
於數載之遠。非富厚之家。不能。貧者一日之入。尚不
足一日之用。而何暇思乎其他。蘇轍有言曰。賈人之
治產也。將欲有爲。而無以爲資者。不以其所以謀朝
夕者爲之也。取諸其不急之處。指鹽鐵等。今內帑金。
以內帑屯田所。謂以無用利。無便于此者。
有未用者。所謂不急。非耶。且富人之出錢也。度其能

皇明經世編

葉綱齋集

卷之一

三五

平露堂

三六

償且在旦夕。而後貸之。興水利。闢草萊。亦旦夕可償者也。雖然。事議非難。任難。用難。用非難。成難矣。天下之人。每病太怯。不敢任事。事偶相值。謾然受命。而不自量。上雖用之。常有輕之之意。及其未成而奪其業。古之君子。先量其身。而又要乎其君。君能用之。則受命而不辭。不能用之。不敢一日苟然以試。而君亦專責之。事終以濟。故足述也。方冊遐矣。成化中。都御史原傑。經理鄖陽。不可稱哉。荆襄迤西沃壤千里。蓬蒿蒿菜。實盡其利。籍流民。墾曠土。得戶一十二

萬君相委心。豪傑效職。亦千古之槩也。今朝廷之上。望治如渴。天下之大。獨無一人可使乎。抑洪武初天下土田八百四十九萬頃。至弘治已失其半。近日司農所入。又多詘焉。不耕之田固不少矣。獨畿內哉。藩府州縣雖有農官。孰爲朝廷任事者。富強之道。在任用矣。

理屯鹽

修理屯鹽

臣聞國家治邊塞以制夷狄。修屯鹽以代輸輓。所以立富強固疆圉萬世之利也。然而法相因也。弊相乘

也。察相因之機。審相乘之勢。故弊革而法成也。自成化弘治以來。開中之格廢。而折色之例興。至於今日。穀粟貴而金幣輕。謀國之臣。莫不咨嗟嘆息於洪武永樂間矣。是不可不求其故也。開國之初。士馬盛於北陲。威稜震乎殊俗。驍將勁兵。揚旌萬里之表。旃裘之君。不敢南向而牧。墩臺之內。即堂閨也。當是之時。墾田之令行。而闢地之人衆。富商大賈。耕則徒易集。糴則困易足。豈其人之瞻智哉。特使然也。承平久而武備衰。教令弛而阡陌廢。四野蕭然。千里彌望。糴猶

艱阻。乃欲使之疾耕積粟。以應開中。知其難矣。且商賈之權。孰與縣官。縣官不能號召。游閒除斥。荒莽而責販易。小民以數引之鹽。任萬頃之地。則臣見其勢之不能得也。天下之事。未有辭其勞而享其成者也。廣屯樹。厚儲蓄。誠縣官所宜爲者。何必豎賈哉。况符支鹽一引。輸粟二斗五升。今至銀六七錢。十餘倍矣。持此溢羨。以爲勞費。亦相值也。折色豈過乎。即今屯田未能遽復。臣愚以爲宜如丘濬之說。立常平司於各邊。都御史總之。將折色銀發司和糴。以充軍饟。而

後修復屯田。東自遼薊西至甘涼。地非鹼鹵。皆墾治焉。京邊軍自團營乘障外。隱占役放者。悉驅於農。已有月糧。官給牛種器具。行之數年。其入必多。報中上納。將有所取。所謂相因者也。至於鹽課。有可言矣。農人既供賦稅。所餘穀粟。即如丘陵。貿易變遷。縣官不問也。鹽課正額外。所產餘鹽。絲毫銖兩。悉屬朝廷。既無工本以給灶丁。復令附帶以重商賈。亦可見其法之不能行矣。律令益嚴。奸弊益甚。富商大賈。十八困焉。芻粟之上。不免侵斂。勸借之方。又溢例分。斗百火

耗之增加查盤勘合之濡滯而又兩地搭配數世守
支官攢恣其貪饕秤掣因之上下賣窩占中尅之於
先奏求私販奪之於後此利之所以益微而召之所
以難至也臣愚以爲天下鹽課皆令折色隨各司上
下之鄉酌以前增減之數定爲一引稅銀幾錢運司
徵解鹽無官私聽灶丁與商從便貿易商人給引下
場買鹽官於要津照引而稅從各行鹽地方變賣嚴
繳退引商竄於引日外買賣皆絞夫正額不失每歲
所產之鹽皆取而稅較之召商自賣不惟勞逸相懸

此利直截簡易皆官亦官論之

其獲亦倍。竈丁納銀。無消鎔追償之患。煎熬所得。易於變化。自不逃亡。節目簡易。商人侵削滯抑之困。可以少解。法既通融。人鮮爭奪。勢豪專利之心。深惡推剽之虞。不禁自息。日久事定。多餘鹽官。亦可漸省。其守支未盡者。或轉般。或改撥。期一二年。而折色之法。即可舉行。蓄積既多。可以濟屯田之所不及。蓋先王之法。遺於世者。纖悉備至。及其久也。皆不能無弊。審其勢。察其機。而法於是乎可復。苟聽頽壞。莫知其所從起。莫究其所將至。則豈貴智哉。

大將軍戚公請告歸登州序

將畧

中國之患。北有胡。東南島夷。棘焉。秦城臨洮。至遼東。延袤萬里。控弦之民。不敢南向而牧。後世諱其事。而修其功。遣僂男女。齎五穀百工。成島夷。後世被其毒。而議其罪。國朝防胡立九鎮。自山以東。負海之郡。淮浙閩廣。築城置守。盡于珠厓。皆倭以也。可謂聖人慮事者乎。魏鄂宋涼。轉戰逐北。建功萬里之外。矯矯虎臣。將將之善。繇高皇帝。長陵北伐。犁其王庭。而今自臨武節。假諸臣有一可使。惡有榆木川之

事乎。島夷自洪武時固已患其慄悍。正統遂殘挑渚
擐甲之人。竟無能挫其鋒者。報國謂何。嘉靖壬子。倭
大入寇。浙東西江南北。以至閩越。咸罹其禍。督府數
易羽檄四馳。竭府庫之財。不足於糧餼。募梟鷲之徒。
不足於行陣。數萬之衆。賊常以一矛走之。天下大震。
大將軍戚公時參將。分部台州。爲鴛鴦陣。教戰。其節
制士。無不一當百。賊犯台州。殲之。已徙部閩中。賊方
壁福清。戰於牛田。殲之。走興化。又殲之。賊乃大創。寢
平。而閩浙免於鋒鏑。無不欲尸祝公矣。當是時。公名

大顯天下無間識不識。皆知戚公隆慶初。匈奴入塞。詔備薊州。公曰。禁兵則恣睢。召募則身合。徵發則道敝。分戍則坐饑。邊郡良家子。以浙兵法分令更番。訓之。三年乃可議戰。故公在鎮。未嘗徼一戰之利。所謂節制之兵也。匈奴款塞。願爲臣妾。夫豈呼韓之運。勝筭得焉耳。用於南。如彼。用於北。如此。使遇高皇帝。萬戶侯。豈足道哉。闡帥某曰。今之將難矣。古司馬法。闡以外聽於將軍。致屈萬乘以信其威。何可得於今日。文墨之吏。實握其權。一不如令。吏得以法議之。且

非獨此也。將相和調，則事允濟。故平勃交驩，天下不

蓋言江陵也。將軍雅

以既。兩人夫皆社稷之役耳。日者相臣弃賓客大將

善江陵江陵沒言者并學將軍故罷去

軍，遂有人言。挈挈而南，猶尚以前過也。倉公治病，隨

地而異。公故習南北之勢，亦欲起羸越而強之。驥千

里而繫其足，公病則宜。公曰不然，不佞席先人之業，

結髮行間，天誘其衷，所向克遂，有功，皆上神武，中

外大臣推轂之力也。不佞何有焉。最爾武夫，致位上

將，祖父妻子，恩澤優渥，功名顯於三垂，寧尚有不盡

乎。介冑四十年，筋力竭，南為瘴厲，見欺，即慕馬革之

名何益 國事向與武夷君要言南平島夷北靖胡
虜黃冠重遊久而未復武夷君之爲詠何以解焉登
州近三神山仙人往來歸置妻子黃冠從之庶幾安
期之志國家人才如彭蠡陽鳥何少不佞葉子曰三
代下人品獨多子房謂功成不居而從赤松子也不
意千載戚公繼其芳躅公所言安期生意深遠矣射
楊葉百中而息鵬不難九萬里而南其息亦以六月
斯造化之玄機豪傑之遠識也子房雖辟穀強起高
后上方拊髀頗牧安期公詎能乎公第黃冠往矣

皇明經世文編卷之終

皇明經世文編卷之三百六十七

華亭

陳子龍臥子

徐孚遠闇公

選輯

宋徵璧尚木

顧開雍偉南

李 楫原渙叅閱

李給諫奏疏

疏

李邦義

足國裕民疏

理財

臣等切惟食貨者王政之所先積貯者天下之大命周官嚴九式之條而王制重九年之積蓋以量入爲

出酌盈濟虛誠有天下者之不可以一日不講也近

蒙 皇上軫念積蓄匱乏特諭計部以處理克蓄之

計仰見聖明憂民憂國之盛心凡有見聞皆思所以

替廟謨於萬一况臣等待罪該科與聞國計者乎但

錢糧之數日浩繁而出入之頭緒紛沓有未易以且

夕曉者昨見該部條列八事以上亦可謂幾於詳盡

矣然臣等芻蕘之見再四訪求猶有一二可以引而

伸之者敢甘隱默不併爲我 皇上陳之臣等切惟

理財之道莫過于大學一書至謂生財之道則不過

日生之者衆、食之者寡、爲之者疾、用之者舒而已。唐臣陸贄亦曰、生財之豐歉在天、用財之多寡在人、節之雖虛必盈、不節雖盈必竭。合而觀之、則開其源與節其流、理財者舍是無別法矣。方今山林川澤悉入徵輸、夏稅秋糧、各有歲額、舳艫千里、飛輓窮年、其所以克邊儲而供國用者、既有成規矣。頻年以來、倭虜爲患、此外復有坐派加派之名、養馬養兵之費。而當事臣工、權空議處。至於賦罰商稅寺產事例度牒引錢、所以揜括之者、亦旣無不盡矣。况今閩廣鋒鏑之

餘殘傷未起。淮徐荒歉之後。逋逃未靖。而江之右。山之東。亦且以水溢旱乾紛紛具奏。則開財之法。誠不可以一毫復加于民者矣。然則處理克蓄之計。舍撙節其何以哉。昔人論節財之法。有謂在于革冗員。汰冗兵。節冗費。今之冗員。誠不知幾也。嘉靖四十年。爲帑藏匱乏。歲用益煩。該本科建白。已經議革之矣。然所革者不過務司。堪驛之流。以上曾未有一議及之者。其爲省能幾何哉。茲且不暇遠舉。卽如錦衣衛。恩廕之輩。蓋嘉靖初年。曾稱核已後。又流濫矣。踵接肩摩。各衙門帶銜之官。日增月盛。是雖

賞勞酬功之典。所不容無。而冒濫之費。則不可不爲之慮矣。一澄而汰之。或禁止之於後。則所省不旣多乎。民出食以養兵。兵出力以衛民。此定制也。况京師之衆。皆取於漕糧。又率數石而致一石。其徵解搬運之苦。不論也。柰何其可以易視之。查得戶部所開月糧之數。共該支米二十四萬五千餘石。及查營操總數。則止於九萬焉。其餘或係錦衣衛官校人等。或係各衛所官吏勇士官攢人等。或係各該匠役人等。奏之。乃合前數。臣等訪得此項月糧。弊孔甚多。有以一

人而每月包領數石者。有以一吏而每月冒支數十石者。考求其故。則以兵馬之實數。司農不得而知也。錢糧之出數。司馬不得而考也。各司止據衛所開來之數。卽以付之糧廳。糧廳止憑各司所發之數。卽以准其支給。漫無稽考。如此則以無爲有。以逃作在之弊。亦將何所不至哉。夫以每月二十四萬餘之錢糧。止養九萬營操有用之軍士。而其不操之軍。無益之衆。反從而兩倍之。若是謂其一一皆克實用。則臣等所不敢信矣。伏乞勅下兵部。候各衙門遵奉。並旨將

各項冒濫人役查革外。仍要查核在京各該食糧人數。某項若干。某項若干。造爲食糧總冊。用印鈐蓋。一送戶部。一送本科查考。如遇支放之時。各該衛所造冊送司。十三司須要類齊核實。然後發之糧廳撥支。其各該衛所官吏。凡遇月終。通將支過扣還之數。齊赴本廳註銷。如或參差不齊。虛應故事者。聽臣等該科參究。則冒濫者庶有可懲矣。至於錢糧冗費。近年言官已言之屢矣。而卒未收節省之效者。其故有二。無事綱 運刑 容兵 之 費 多一遇警報。輒自周章。至有握韜鈴者。或邊事未甚諳。一遇警報。輒自周章。至

虛實未探而調遣先發者矣。有威望頗輕則叅遊等官各自主議。有先發後聞有不可制者矣。若此則邊餉焉得而不費哉。不知按伏者兵家之妙筭。何嘗責其不調遣。謹調遣者無非以節行糧之妄費而已。然均一調遣也。行糧之支聞在薊遼則有百里外全支五十里外半支之例。而宣大等鎮則未之諒焉。或者非畫一之法歟。近來宣大之費視他鎮爲多。未必不由此矣。伏乞勅下該部再行申飭各邊鎮巡等官。今後須要明白哨探。詳慎調遣。其有不遵約束。將領聽

其指名叅治。其各邊鎮行糧應否照例查議。則錢糧不患其不節縮矣。夫錢糧固貴於節縮。而尤貴於措。處。查得舊制。太倉解發之銀。止以供客兵之用。而主兵。則處足於民運。與夫各鎮屯糧。秋青馬艸等項。奏給耳。邇來各邊多事。以屯地馬草。則稱拋荒棄置久矣。一遇缺乏。卽行奏討。太倉如之。何不告匱也。近聞有能措處者。將無碍草場給軍採打。卽役其力以修邊牆。而人不爲怨者。使人人效此。則各鎮之中。豈無一二可以措處。以少省太倉之萬一哉。乞勅下該部。

再加查議移文各邊巡撫示以國儲匱乏凡有地方
可以措處如屯種馬草之數不拘多寡儘力區處或
於各年民運拖欠之中設法督追完解以克下年正
項之用年終各將措處過錢糧若干督追完過若干
拖欠若干以上年爲額今年省出太倉銀若干造冊
奏繳其有區處督追數目過多者或特加廕秩或從
重獎賞則激勸之餘孰無公家之念誰無共濟之心
雖不敢大望其贏餘亦可省十百於千萬矣凡此皆
臣等管窺之見瑣屑之談無非欲省一分則裕一分

之意。至於轉移運用之大。則惟在於聖明留意焉耳。再照國計民瘼。事本相須。手足腹心。元係一體。則視之誠不容有二焉者。近有淮徐等處水旱爲災。十室九空。逃移過半。其糧運之額。俱累見在人戶包贖。官軍師生俸糧。已稱數年不給。其艱難之狀。悉具撫按疏中。亦臣邦義夏間差回所目擊者。如欲奏留商稅。與改折二事。誠知其萬非得已。而該部猶靳弗全。與豈非以國儲爲重。恐開奏改之門。雖知其急。未暇理與。然臣等切伏思之。淮徐之地。糧運之艱。非他方

可比其荒歉又爲數年之積患亦非他處可得而同也失今不慮誠恐枵腹之久或有脫巾之呼其於糧運關係不小是不可不爲之慮也况聞商稅數十年來原係彼中借支之數卽全以與之亦不過歸其故物耳運糧如必不可折亦當權其災變輕重量准二三年仍行漕運衙門嚴督折銀完解以克軍士月糧正數則公私兩便而嗷嗷望救之衆亦且幸寬舒於目前矣至於招撫營田一節事本甚難然非得人任之茂有能濟者臣等訪得漕運巡撫王廷素號清

修亦稱簡靜但處理通變之才原非所長當茲多事之時兼此重大之任豈可以因循坐待者伏乞勅下該部查訪如果臣等所言非謬將王廷政之別用另推有幹濟有才望者代之至於所屬府州縣官亦須行令撫按體訪精力才幹者調用庶地方得人而招徠有道輯寧可望而運道無虞矣

王侍御奏疏

疏

王得春

攄明詔罄愚衷疏

時政興革

竊惟聖哲之君、應時而興、必思明、日達聰、以廣維新之化、賢智之臣、獲主而事、尤宜披肝露膽、以盡獻納之職、此固空相須之甚殷、而相遇之不偶者也、我皇上嗣登大寶、朝宁攸觀、頒布綸音、海邦易聽、卽其直言無隱之求、真巍然中興之令主矣、臣叨受簡書、巡歷兩浙、雖能身遊虞廷之盛、而一念犬馬之微忠、欲有所建明、以爲更始新政之助者、殆夙夜不遑、以自寧也、敢紬繹詔款遺意、上有關於國體、下有切于生民者、條爲八事、開列奏聞、

計開

一曰正宮闈嘗聞漢匡衡曰妃匹之際生民之始萬福之原蓋上以事宗廟而下以繼後世是不可以不重也故古者天子后立六宮三夫人九嬪二十七世婦八十一御妾皆有所限制而不敢過匪惟遏逸慾之漸亦以養壽命之本誠萬世之鑒戒也今後官之內老弱幽閤者不知幾千百人陰氣鬱積怨望克盈有傷天地之和豈可不爲之一處乎昔唐太宗踐祚聽中書舍人李百藥之言遣尚書左丞戴胄給事中

杜正倫於掖庭西門前後簡出三千餘人。至今傳爲盛事。況今皇上嗣極之初。治法堯舜。將陋貞觀之政。于不足爲耶。臣請勅下禮部。早正母后之位。以聽天下之內治。更選良家女。備克嬪妃之數。其餘婦女。若非經先帝御幸。久禁宮中者。皆空出之。各歸親戚。任求伉儷。庶陽道常盛。陰氣常微。而所以願養聖躬。消弭氛祲者。此其大端也。

二曰重祀典。嘗聞國之大事在祀。祀之禮數隆殺異。宜常變。殊制。凡典其事而當其職者。必得人以任之。

則儀文可飭。誠信可通。由是郊而格帝。廟而饗神。胥此焉出。所謂惟賢者而後能祭之義也。比者我朝廷官制爲太常寺職專祭祀。原係正三品衙門。則隆重之意。緊可見矣。故天順成化時。有以禮部尚書而掌寺事者。宣興蔣守約。涿州郭景賢是也。弘治正德時。有以科甲名儒而居寺職者。灤州齊章。崑山魏棫是也。豈常以異流雜品而濫厠崇高之位。偃然與公卿並駕齊驅者乎。昔因先帝祈天永命。建設齋醮。故此言世廟末年事也。以羽人而爲奉常。固爲非。隸耳。如師宗記者。乃以黃冠羽士之流。一旦顯榮至此。今

奉遺詔。凡禳祀之舉。盡行停止。則官守不可廢。而宗
記實不可用也。臣請勅下吏部。將宗記退還本官。另
選宿儒有德望者爲之。修復 祖宗之舊制。永黜異
教之匪人。庶典三禮者。皆寅直惟清之士。必能盡志
盡物。以秩祭法。以明祭義。而相聖天子明禋者。其殆
庶幾乎。

三曰惜名器。嘗聞爵祿者天下之砥石。帝王用之以
礪世磨鈍者也。故德懋懋官。功懋懋賞。夫以官賞而
分功德。則德之貴於功。官之重於賞。古人用意之微。

權衡之妙自有不容濫焉者矣。惟英君諗磔。寧損百萬之資。而斬一卽之拜。其意亦猶此耳。竊嘆工部尚書徐杲者。廼執斧斤。攻造作。一匠役之至。早且賤者也。縱令其有離婁之明。公輸子之巧。曾何係于國家之輕重哉。若謂經營宮殿。勞苦而功高。則優以厚賞。亦云踰分矣。顧乃授之高官。以崇其爵。錫之異服。以華其躬。廕之世祿。以裕其後。名器之濫至此。已極。識者每以爲扼腕而興嗟也。臣請勅下吏部。削去尚書之銜。追奪飛魚之服。放歸田里。姑與冠帶。以終身。其

子孫之在卿寺及錦衣衛者，盡從罷斥。仍編匠籍以
供用。以後凡一技一藝之人，不得曲意逢迎。希干寵
祿，亦不得非分遷擢。污蟻冠裳，庶官不及私昵。爵罔
及惡德，薰蕕不共器。而居牛驥不同皁，而牧。朝政肅
清，而四海之聞風者，必爲翕然稱快矣。

四曰禁諂諛。嘗聞和氣致祥，乖氣致異，固天之常道。
而聞祥則喜，見災則惡，亦人之恆情。故容悅之臣，每
藉祥瑞以希寵榮；好大之主，多因祥瑞以誇功德。臣
嘗稽之往牒，如赤莖素毳并柯共穗之類，史不絕書。

而要之諛諛之風。則從此濫觴矣。恭惟我朝開國卓
越千古。故大聖人之所作爲。亦迥出常情萬萬也。姑
舉一二事言之。洪武二年。陝西寶雞縣進瑞麥一莖
而二穗三穗五穗者甚衆。太祖曰。朕爲生民主。惟
思脩德致和。以契天地之心。使三光平。寒暑時。五穀
熟。人民育。爲國家之瑞。蓋不以物爲瑞也。永樂六年。
福建布按二司奏言栢生花爲瑞。成祖曰。朕主宰
天下。於生民休戚。未能周知。故委任爾等鎮撫藩方。
以圖安戢。而乃肆志逸樂。於軍民疾苦。一毫不言。今

言栢花爲瑞。夫時和歲豐。物無疵癘。百姓富足。四夷順安。此國家之瑞也。乃降璽書切責之。大哉王言。有以仰見二祖光明正大之心矣。邇年以來。獻瑞者不一而足。凡形諸表疏。見諸歌誦者。備極諛美之詞。間有災異。則多所忌諱。匿不以聞。甚非所以憂治世而危明主也。今皇上當履端正位之時。不可不防其漸。臣請勅下禮部。通行曉諭中外臣工。毋得仍蹈前愆。以消邪佞之風。以養直諒之氣。凡四方或有水旱疾疫之災。寇賊奸宄之變。不時據實報聞。使可以

知戒惧而備修省。庶皇上敬天勤民，與二祖同其盛，而諸臣忠言讜論，亦與魏相同其休矣。

五曰慎題覆。夫中外臣工，身任官守，言責之寄者，孰不懷忠悃，竭款誠，敷陳時政，思各建白，以自獻于上。然甲可乙否，見多矛盾，彼是此非，言有同異。故下之該部議，以覆請于天子。天子可其奏，而降有明旨，則當堅如金石，信如四時，期于永世之必行。此實尊君命重王言之大義也。但前此六卿擔當任怨者，固多好○移○難○建○言○無○益○獨斷之猷，而依阿詭隨者，未免徇人之見，每致言官

○因○案○案○案○案○在○于○部○覆○若○部○覆○

論事奉旨依擬之時。委曲遷就。漫無定主。不曰誠如
言官所論。則曰與本部查訪相同。使如綸之言。渙汗
之號。玩若民間之常語。多致廢格。不加遵守。此豈以
爲訓乎。臣請勅下各部。今後遇有諸臣章疏。秉公詳
看。持衡參酌。是者。卽與奏行可也。非者。直以爲非。卽
以論罷可也。蓋苟可以同。固不容于立異。苟可以異。
亦不必于尚同。協輿論以裨國是。又何嫌疑計較之
有哉。若建言者不顧國家大體。仍摭拾以沽忠。覆題
者不論事體當否。仍阿比以混上。許科道官互相糾

劾庶乎大臣秉執持之義。則庶官懷畏忌之心。是惟不言。言必可見。諸施行。而聖旨之所頒布。莫不世爲天下法矣。寧復有壅遏之患哉。

六曰清輪納。臣伏讀新詔。欸開內府各衙門供應錢糧。欲加意節省。以免徵收之煩。又欲差風力科道官清查。以稽侵漁之弊。累年積蠹。一旦振刷。此真盛世之象也。臣以爲積弊固在於清查。而善治莫先於法祖。蓋祖宗立法。至精至密。惟行久而廢墜。則弊斯作焉。所望以脩舉之者。寧不在於今日乎。嘗聞成化

以前運糧解戶上納白糧及各物料戶工二部委官同科道驗收運送內府糧長解戶不與內臣等見面故軍校不得脅勒內臣不得多取小民亦不致虧害及弘治以後部官避嫌各款糧料不肯驗收俱令小民運送內府以故內官軍校視彼爲奇貨多方刁措百計需求有白糧一石加至二三石乃能上納各項物料倍出三四百兩始得批廻解糧之人費踰常數不得不稱貸賠納輕則蕩產重則喪身雖有禁例誰敢與內臣抗衡雖號訴無由向九重上達其困抑若

楚之狀。不可勝言。斯民一蒙是役。殆將與死爲隣矣。且積習旣久。盤結已深。彼視魚肉乎民。若秦越也。而司國計者。獨忍其陷於危亡。而不爲拯援之哉。臣請勅下該部。查照成化年間事例。將承運庫及各監各局等衙門。凡係上供錢糧。添設科道官各一員。或將巡視光祿寺十庫科道。就便兼攝。如遇糧長解糧料。至京者。徑赴該部與科道官處投文掛號。聽候委官會同驗收。運送內府收貯。各該內臣。止許驗鎖鑰。紀出納。並不得與民見面。肆行索詐。仍每月終。科道官

將一月內舊管新收開除實在各數目查算明白。備造揭帖進呈御覽。庶乎奸弊可祛。財力可省。而祖宗之法度可復。更始之治功可成矣。皇上大奮乾剛。毅然獨斷。恐令未下而阻撓之計百出。雖有良法美意。其何以行之哉。

七曰慎貢選。夫建官惟賢。位事惟能。故網羅天下傑。以布列于庶位者。惟貴得其人而已。不必拘拘于資格之限也。近奉新詔。以舉人絕望于九卿。歲貢不得爲方面。首諭吏部。毋拘三途。大哉皇言。所以飭吏

治作士風者。信莫踰於此矣。但舉人之中。年資壯茂。志向高遠者。儘有其人。久緣在上者。期待甚輕。遂消沮自棄。今遇皇上。旁招俊乂。破格超擢。必有個備非常之才。奮發而興起者矣。至于貢行。非敢謂其獨劣也。蓋緣埋沉歲月。壯心已墮。雖欲建功立業。恒苦于日暮之途窮。此所以終難于策勵耳。臣請勅下該部。查復先年選貢之例。每歲與正貢並行。然行選貢。又先于慎選提學。雖有員缺。必多方博訪。不分內外。拔其華實並茂。而非徒以道學欺世盜名者。簡畧是

諭令拔士之時。不以一毫徇己徇人之私。得以私乎其間。惟取其年力之強健也。行誼之雅飭也。學術之純正也。儀度之端嚴也。然後舉而升之於國。及試之大廷。果能兼此四長。則從而奮庸之。否者先黜其人。仍查係某提學所取。亦坐以不明不公之罪。庶幾貢荐之士。皆得以及時甄錄。賢能彙征。可以備三途之用。可以預兩司之擢。而浚明亮采之事功。亦從此致矣。

八曰恤災傷。竊惟淮安徐沛。乃國家根本之地。而風

陽泗州。又祖宗陵寢之區。則所以輯寧底定之者。比之他郡縣。尤當加意焉。臣去歲出差南來。道經彼地。見其水患異常。室廬漂沒。田野荒蕪。百姓流離。嗷嗷待哺之狀。誠有不忍言者矣。况加以開濬新河。工役繁興。勞憊益甚。今雖竣事。而民之瘡痍未復。寒無以衣。飢無以食。其逃往山嶺者。亦無以居。皆眊眊相視。聞欲嘯起而爲盜。固理勢之所必至也。夫樹藝者。培其方長。非難。而甦其枯槁爲難。業醫者。已其疾病。非難。而甦其膏肓爲難。其在于今。民方枯槁而疾入。

膏肓矣。所以回生而起死者，若非大加賑恤，其何以濟乎。查得嘉靖三十二年正月內，先帝念淮徐等處之遭水患，而不忍斯民之陷於危亡也，特允輔臣所請，專差刑部左侍郎吳鵬前往被災地方勸支。徐淮二倉米麥四萬石，運司餘鹽銀五萬兩，及各府州縣無礙庫銀，與預備倉糧，相兼支給。一時百萬蒼生，賴以全活。而他變亦因之不作。臣請勅下戶部體照癸丑年事例，擇遣大臣一員，詣彼經畫賑賜，以宣德意，以布仁澤。或止令彼處總理河道及總河漕運衙

門就便分理優恤以救燃眉之急庶乎民皆懷感思
服而邦本可固寇亂可弭矣至於天下但有被災殘
破地方非乞卽與推廣一視同仁此又聖明如天浩
蕩之思聯屬人心之至計也

皇明經世文編卷終